

# شغل في أستراليا

## ورقة معلومات بتاع إدارة قروشك



### مايكل بدا شغل جديد

مايكل ده كان عاطل لمدة بتاع 3 شهور الفاتو، وكان ناس سنترلينك بدفعو ليو قروش عشان يساعدو يشتري حاجات هو بحتاج ليو.

مايكل قرا اعلان دايرين موظف بتاع مبيعات في محل بتاع هدوم في منطقة هو ساكن فيو. مايكل قدم طلب لوظيفة ده، ومشي لمقابلة، وأدو شغل.

وبعدين مايكل جاو جواب من محل شغل جديد بتاعو مكتوب فيو تفاصيل شغل جديد بتاعو.

مايكل قرا جواب ده. ومكتوب فيو أنو اسم سيد المحل هو جاك سميث والشركة اسمو (Clothes for Us). وبرضو مكتوب في جواب أنو وظيفة بتاع مايكل هو "موظف بتاع بيع هدوم"، وأنو مايكل ح يدفعو ليو 16 دولار في الساعة وح يكون شغال بدوام جزئي، 25 ساعة في اسبوع.

بعد ما مايكل اشتغل لمدة بتاع اسبوعين، دفعو ليو أول ماهية. وبرضو أدو ايصال بتاع دفع ماهية بتاعو. وكده هو قدر يعرف قروش دفعو ليو كم، وضرايب هو دفعو كم، وقروش معاش تقاعدي دفعو صاحب شغل بتاعو في صندوق ادخار تقاعدي بتاع مايكل كم.

مايكل قرا في ايصال بتاع ماهية بتاعو أنو ماهيتو 800 دولار بتاع شغل بتاع اسبوعين، وأنو هو دفع 85 دولار ضرايب. وبرضو قرا أنو صاحب شغل بتاعو دفع 72 دولار في صندوق معاش تقاعدي خاص.

في اسبوع البعدو، مايكل استلم قروش بتاعو من سنترلينك.

مايكل عرف أنو لازم يكلم سنترلينك بشغل جديد بتاعو عشان يغيرو قروش بدفعو ليو. ولو مايكل ما كلم ناس سنترلينك، كلام ده معناو أنو ممكن سنترلينك تدفع ليو قروش كتير وبعدين يكون عليه ديون، لازم يدفعو أو يدخل في مشاكل.

مايكل ضرب تلفون عشان يكلم ناس سنترلينك بشغل جديد بتاعو وبرضو رسل ليه صورة من جواب بتاع شركة الهو بشتغل فيو.

لمن تشتغل في أستراليا وتكون عامل أو موظف، بدفعو ليك ماهية ولازم تدفع ضرايب على قروش انت بتعملو.

### لمن يدفعو ليك ماهية في شغل بتاعك

لمن يدفعو ليك ماهية بتاعك بدوك ايصال بتاع دفع. وايصال دفع بتاعك ده يكون مكتوب فيو قروش دفعو ليك، وقروش بتاع ضرايب انت دفعو وقروش بتاع معاش تقاعد ختو في صندوق ادخار تقاعدي بتاعك.

### ضرايب

لمن تشتغل في أستراليا انت لازم تدفع ضرايب لحكومة بتاع أستراليا عشان حكومة يكون عندو قروش يقدم بيو خدمات عشان احتياجات بتاع مجتمع، زي مستشفيات ومدارس وشوارع ومواصلات عامة (الباصات والقطر).

### رقم ملف ضريبي

أي زول في أستراليا عندو رقم ملف ضريبي حقو براو. وانت لازم يكون عندك رقم ملف ضريبي عشان تقدر تشتغل في أستراليا. ولمن تبدأ شغل بتاعك، انت لازم تدي رقم ملف ضريبي بتاعك لشركة الانت بتشتغل فيو

### معاش تقاعدي

ده مقصود بيو قروش بوفرو ليك لغاية ما انت تبقى زول عجوز وما بتقدر تشتغل. وقروش ده بختو شركة الانت بتشتغل فيو في صندوق ادخار تقاعدي.

### انت لازم تتذكر

- ◀ لمن تشتغل في أستراليا وتكون عامل أو موظف، بدفعو ليك ماهية.
- ◀ لمن تشتغل في أستراليا، انت لازم تدفع ضرايب (قروش) لحكومة بتاع أستراليا.
- ◀ معاش تقاعدي ده هو قروش بوفرو ليك لغاية ما انت تبقى زول عجوز وما بتقدر تشتغل.
- ◀ شركة الانت بتشتغل فيو لازم يدفع 9% زيادة على ماهية بتاعك في صندوق ادخار تقاعدي بالنايابة عنك. وقروش ده يكون زيادة على ماهية بتاعك.

### وين تلقى مساعدة ومعلومات زيادة

لو انت داير معلومات زيادة عن معاش تقاعدي، خش في موقع انترنت ده [www.moneysmart.gov.au](http://www.moneysmart.gov.au) بتاع MoneySmart، أو اضرب تلفون في رقم ده 1300 300 630.

لو عندك مشاكل مع شركة الانت بتشتغل فيو أو داير تعرف معلومات زيادة عن حقوق بتاعتك كزول شغال، اتصل بالهيئة الأسترالية بتاع عدالة العمل (Fair Work Australia) عن طريق موقع انترنت ده [www.fwa.gov.au](http://www.fwa.gov.au)، أو اضرب تلفون في رقم ده 1300 799 675.



This page has been intentionally left blank.